

精修或愚夫有捕影之譚而上士契勤行之  
 効明科要訓今古攸遵今齋主某宿稟正真  
 志崇玄奧達體道修生之理悟重玄秘妙之  
 門屬初誕之辰啓焚修之會冥心十極稽首  
 諸天行道轉經析真請福臣等輒相攜率依  
 按典儀共罄丹誠仰希洪澤伏冀至真上聖  
 無極高尊俯鑒所陳滂流景祐賜朱陽玉闕  
 文昌上官韓君開延壽之符司馬錫長生之  
 籙真靈却衛和炁寶薰石宮削短促之篇左  
 簡注遐長之算祿祚增廣罪咎消平眷屬又  
 康幽明舒泰上願

帝王萬壽社稷安寧異域殊庭同文共軌三  
 光朗晏六炁宣和穀稼豐登龍神協贊年無  
 疵癘俗洽雍熙消手夜府泉關三塗六趣惠  
 澤蕩焦勞之苦天光開昏暗之衢並出幽沉  
 盡蒙升度旁周十極退及九圍動植生靈俱  
 登壽域上明

天尊大慈之澤下副臣等皈命之誠謹啓以  
 聞

知聲舉十二願

都講舉存神燒香  
高功復爐

香官使者左右龍虎君侍香諸靈官當令臣  
 向來晚朝陞壇行道之所自然生金液丹碧  
 芝英百靈眾真交會在此香火爐前當願十  
 方仙童玉女接侍蘭煙傳臣向來所啓之誠  
 速達僊御

至真无極大道

三清三境天尊

昊天玉皇上帝

紫微北極大帝御前

知聲舉

出堂頌

出戶

引至六幕堂

道門科範大全集卷之三

道門科範大全集卷之四四五

廣成先生杜光庭剛定

懺穢疾病儀

清旦行道

法事陞壇如式

都講舉各禮師存念如法

高功宣衛靈呪

青陽虛映耀日回靈神虎辟邪飛天流鈴

摧奸滅試萬魔東形九微迴道八威攝精

千真校錄三元蕩清左肅中黃右崇六丁

七轉八合周旋天經聖化魏魏大道興行

慶雲流布合景黃庭和與道合真

都講舉鳴法鼓二十四通

高功發爐

無上三天玄元始三炁太上道君太上老君

召出臣等身中三五功曹左右官使者左右

捧香驛龍騎吏侍香金童傳言散花王女五

帝直符直日香官各三十六人出出者嚴裝

顯服冠帶垂纓關啓玄壇土地方域神真臣

今早朝陞壇行道謹奏為入意其諸忱悃已

錄告開願得

太上十方至真道炁靈寶瑞先下降流入臣等身中今臣所啓速達徑詣

太上无極大道

三清上聖

昊天玉皇上帝御前

都講舉請稱法位

具位臣某與合壇官衆等謹同誠上啓

虛无自然元始天尊无極大道太上大道君

大聖祖高上大道金闕玄元天皇帝太上

老君高上玉皇十方已得道大聖衆至真諸

君丈人三十六天帝君王虛上帝玉帝大帝

東華南極西靈北真玄都玉京金闕七寶玄

臺紫微上官靈寶至真明皇道君玄中大法

師三天大法師上清日月九曜南辰北斗星

君三官五帝九府四司斗中道德諸君無執

聖衆六十甲子本命星君東嶽上卿司命真

君西極總真王君名山洞府得道神仙三界

應感一切真靈臣聞妙本自然因機立化裁

成天地含孕虛无日月得以垂光乾坤由其

定位天元地府陽職陰察分布萬神主宰群有除災降福河圖明謁謝之文悔過希恩太一著修禳之品臣等職當開度廣濟為先凡有所祈理宜關奏况奉詞旨敢不上聞

宣詞

按如詞言誠情丹切弟子某以吉凶倚伏寒暑推遷否泰不常災纏是懼敢憑慈訓爰備

齋壇按靈寶簡章考玄部典式冀因敷奏克獲感通以今清旦陞壇行道請法衆等運茲

初檢上香願此香煙騰空徑上供養

無上至真道寶臣等皈身皈神皈命首體投地仰依

太上三尊十方衆聖願以是捨香功德歸流

皇圖帝業杜稷尊靈與道無窮配天齊永

皇帝聖超三五播有道於九圓杵越億千暢

無為於萬國今故燒香自皈依

道尊大聖衆至真之德得道之後保天長存

和與道合真

以今早朝陞壇行道請法衆等運茲二檢上

香願此香煙騰空徑上供養

無上至真經寶臣等皈身皈神皈命首體投地仰依

太上三尊十方衆聖願以是捨香功德歸流

某家九玄幽爽億劫親緣乘元皇九奏之功

九幽開度荷玄聖五明之照五苦寧闢福利

存亡祚流遐邇今故燒香自皈依

經尊大聖衆至真之德得道之後永保長存

和與道合真

以今早朝陞壇行道請法衆等運茲三檢上

香願此香煙騰空徑上供養

無上至真師寶臣等皈身皈神皈命首體投地仰依

太上三尊十方衆聖願以是捨香功德歸流

其身六氣安和百關調順宿殃積孽隨惠澤

以蠲銷滯疾深災沐靈風而滂灑中天注祿

南斗增年眷屬咸宜禎祥密降今故燒香自

皈依

師尊大聖衆至真之德得道之後永保長存

和與道合真

懺方 命魔 三啓 三禮

重稱法位

具位臣某與臨壇官眾等謹同誠上啓  
三清上帝十極高真懸筵兩班無邊列聖恭  
望洪慈洞垂昭鑒臣聞道本無為感而有應  
陰陽不測變化難窮用常善以導群迷播鴻  
慈而育三界拯危救物佐國度人日用不知  
神功無際弟子某仰慮稟神之始運氣之初  
億劫以來至于今日不明罪福罔識因緣三  
業構非六塵積慶違天元生化之道犯地司  
禁忌之文虧四時應變之功失萬物遂成之  
性故傷誤殺害及有情不覺不知累過無極  
前業未懺後罪有加三官五帝之司黑書記  
惡秦獄羅鄧之府丹簡落名或因三命凶衰  
五行刑剋星文臨照神殺衝妨或因動役興  
功捷材運石斬伐林木穿鑿罔原驚觸龍神  
犯違禁諱遂成疾厄未獲痊平正氣不和三  
元失序敢依科典啓置壇場下盤丹誠上祈  
玄聖無邊罪谷咸乞懺除伏冀眾聖垂光萬  
真迴鑒流大慈之施降罔極之恩教勒四司  
明告九府為弟子某削除死籍汪上生名解

厄祛災和寬釋對宿瑕清湯積過銷平星辰  
迴臨照之文年運息刑衝之咎青帝加算錄  
肝護魂白帝遷名靜魄安胎辰星守腎焚戩  
鎮心黃庭真人和神守臟天醫將東太一真  
靈神藥潛資靈津宸降山隨願解疾逐雲銷  
福壽永延災表殄息上願

帝圖悠久聖德昭明四海無波八紘有泰干  
戈自戢穀稼滋豐君聖臣忠天清地靜然乞  
弟子某家九玄享福七祖生天五族安寧六  
親和睦泉高朗晏九幽無罪考之聲三界混  
融六道罷輪迴之趣飛行動息有識含生共  
沾廣濟之恩咸契長生之果上明  
天尊弘慈之澤下副臣等懺謝之誠謹啓以  
聞

知磬舉十二願

都講舉存神燒香

高功復爐

香官使者左右龍虎君侍香諸靈官當令臣  
向來早朝陞壇行道之所自然生金液丹碧  
芝英百靈眾真交會在此香火爐前當願十

方仙童玉女接侍蘭煙傳臣向來所啓之誠  
速達徑御

至真元極大道

三清上聖

昊天玉皇上帝御前

知磬舉

出堂頌 出戶

引至六幕堂

道門科範大全集卷之四